



partii naleraq

UKA2015/45

22.okt 2015

**Qaratsap aanaartoorneratigut timip ilaanik nukillaartoornermik nappaatillit siunner-filimik aaqqissuussaalluartunik aammalu ataqatigiissarneqartunik sungiusaanissanik ingerlatsinissani iliussissatut pilersaaruteqarnissat pillugit Naalakkersuisut kingusinnerpaamik UPA 2016-imi Inatsisartunut aalajangiiffisassatut siunnersuusioqquneqarnissaannik siunnersuut.**

(Inatsisartunut ilaasortaq, Agathe Fontain, Inuit Ataqtigiiit)

Inatsisartunut ilaasortaq Agathe Fontain Inuit ataqtigiiit siunnersuuteqarpoq Qaratsap aanaartoorneratigut timip ilaanik nukillaartoornermik eqqorneqartartut ataqtigiiissakkamik sungiusaasarnissamik anguniaqarluni saqqummiussaqqarpoq inuiaqtigiiinnut soqutigintartumik tamannalu pillugu matumuuna saqqummiussaqqassaagut.

Kikkulluunniit napparsimasut, aammalu sumilluunniit nappaammik eqqorneqarsimasut pitsaasumik ikiorneqarlutit katsorsarneqarnissaat tamatta kissaatigigipput qularnanngilluinnarmat.

Inatsisartunut ilaasortap Agathe Fontain-ip siunnersuutaa, tassalu Qaratsakkut aanaartoornermi timip ilaanik nukillaarsimasunik atugaqalersimasut aaqqissuulluakkamik sungiusartinneqartarnissaannik saqqummiussaqqarluni.

Siunnersuut tamanna pissusissamisoortut Partii Naleqqamiit isigaarput tapersorsorlugulu tassami inuit napparsimasut pitsaasumik ikiorneqarlutik misigisaqarnissaat nappaammik eqqorneqarsimasunut pingaartorujussuummat.

Peqqinnissaqqarfiup napparsimasut qaratsamikkut aanaartorsimasunut imaluunniit arlaatigut eqqorneqarsimasunut piginnaangorsaqqiisarnep annertusaaffigalugu suliniarnera soorunami qujassutigalugu Partii Naleqqamiit oqaatigerusupparput.

Kisiannili ulluinnarni nappammik eqqorneqarsimasut sumiiffinnut angerlartinneqarpata qanoq ikiorneqarnerat pitsaassuseqarnersoq ilanngullugu Partii Naleqqamiit paaserusunnarpoq, tassami Naalakkersuisut akissutaanni Telemedecinikkut sulisut ilitsersuineq kisimi taaneqarmat.

Taavami assersuutigalugu nunaqarfinni Telemedicen-sineqanngitsoqarpat taava taakkunani najugallit qanoq ikiorneqassappat. Isumaqqarpugut tunngavilersuut taanna kisiat tunngavilersuutigissallugu naammangitsoq.

Nalunngilarput napparsimasut pitsaasumik angerlarsimaffimmini ikiorneqassappata kommunit peqataatillugit saneqqunneqarsinnaanngitsut soorunami aamma akisussaafferujussuarmik aamma tigumiaqartut, kommunit kisiisa isumalluutigissallugit Partii Naleqqamiit isumaqanngilagut taamattumik peqqinnissamut naalakkersuisoqarfik aamma pisussaaffeqarpoq suliat nappaatinut tunngasumik sullissinerit aamma ataqatigissaarneqarneranni peqataassallutik.

Isumaqarpugut massakkut misilittagaareersut aamma tunngavissatut naammalluartut ilisimasagut atorlugit periusissamik naalakkersuisut saqqummiussisinnaalluartut upernaakkut 2016-mut saqqummiussaqaarnissaminnut tamannalu pisinnaanngippat 2016 ukiaani inatsisartut ataatsimiinnissaannut saqqummiussaqaqtariaqartut Partii Naleqqamiit isumaqarpugut.

Napparsimasut pillugit pitsanngorsaaniissamik anguniaqarluta sulisarnitsinni tulluannngitsutut isigaarput inuit qitiutillugit ikiorniarlugillu anguniaqartarnitsinni inatsisartuni naalakkersuisunilu napparsimasut ikiorneqarnissaat pillugit assortuutarnerput tmannalu napparsimasuulluni assorujussuaq nukillalaarnassasoq takorloorsinnaavarput.

Taamaattumik siunnersuuteqartup Agathe Fontain-ip Inuit ataqatigiit napparsimasut sullinneqarnerisa pitsaanerulernissaanik anguniaqarluni saqqummiussaa Partii Naleqqamiit taperserparput

Hans Enoksen